

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“, broj: 17/00, 1/05, 11/06, 13/11 i 15/17), a u vezi s članom 71. stav (3) Zakona o izvršenju Budžeta Tuzlanskog kantona za 2026. godinu („Službene novine Tuzlanskog kantona“, broj: 18/25 i 3/26), Vlada Tuzlanskog kantona, na sjednici održanoj dana 10.03.2026. godine, d o n o s i

ODLUKU

o utvrđivanju kriterija, uslova i postupka za raspodjelu i pravdanje sredstava sa potrošačke jedinice 11010003 – Troškovi manifestacija

I

Ovom odlukom utvrđuju se kriteriji, uslovi i postupak za raspodjelu i pravdanje planiranih sredstava u Budžetu Tuzlanskog kantona za 2026. godinu na radjelu 11, glava 01, potrošačka jedinica 0003 – Troškovi manifestacija, izuzev dijela sredstava namijenjenih za manifestacije koje se odobravaju po pojedinačnim odlukama Vlade Tuzlanskog kantona uz prethodno podnesen zahtjev organizatora manifestacije.

II

Raspodjela sredstava za finansiranje/sufinansiranje programa manifestacija vršit će se shodno raspoloživim sredstvima u Budžetu Tuzlanskog kantona za 2026. godinu („Službene novine Tuzlanskog kantona“, broj: 18/25) i Zakona o izvršenju Budžeta Tuzlanskog kantona za 2026. godinu („Službene novine Tuzlanskog kantona“, broj: 18/25 i 3/26), u vidu tekućih transfera drugim nivoima vlasti i fondovima, tekućih transfera neprofitnim organizacijama i subvencija privatnim preduzećima i poduzetnicima.

Sredstva će se dodjeljivati u rasponu od 500,00 KM do 15.000,00 KM, izuzev manifestacija koje Vlada Tuzlanskog kantona organizuje kao nosilac obilježavanja ili kao nosilac aktivnosti obilježavanja.

III

Iz sredstava planiranih u Budžetu Tuzlanskog kantona za ove namjene, finansijski će se podržati programi manifestacija koji:

- afirmiraju društveni, ekonomski, privredni, kulturni, sportski, zdravstveni, turistički, održivi i drugi razvoj Tuzlanskog kantona,
- uključuju ili su uključeni u programe manifestacija međunarodnog karaktera i saradnje,
- su sajamskog karaktera i realizuju se na području Tuzlanskog kantona.

IV

Programi manifestacija se neće razmatrati niti finansijski podržati ukoliko su:

- usmjereni isključivo za ostvarivanje vjerskih ciljeva,
- usmjereni na promociju programa političkih stranaka,
- usmjereni na finansiranje plaća i drugih izdataka uposlenika u pravnoj osobi,
- usmjereni isključivo na investicijska ulaganja, izgradnju i adaptaciju objekata, kupovinu opreme i slično,
- podnosioci zahtjeva nisu dostavili izvještaje o namjenskom utrošku sredstava dodijeljenih u prethodnoj godini od Vlade Tuzlanskog kantona.

V

Podnosilac zahtjeva za finansijsku podršku programa manifestacija koji ispunjava jedan od kriterija iz tačke III ove odluke, u zahtjevu navodi iznos sredstava, a uz zahtjev obavezno prilaže i sljedeće:

1. Rješenje o upisu u registar kod nadležnog organa;
2. Uvjerenje o poreznoj registraciji (Identifikacijski broj – ID);
3. Spesimen potpisa ili ugovor sa bankom vezano za transakcijski račun (original ili ovjerena kopija);
4. Program manifestacije i finansijski plan predloženog programa, sa specifikacijom troškova i strukturom izvora prihoda, ovjereno pečatom i potpisom podnosioca zahtjeva.

VI

Korisnik sredstava dužan je dostaviti izvještaj o namjenskom utrošku dodijeljenih sredstava na propisanom obrascu koji je sastavni dio ove odluke, uz propratnu finansijsku dokumentaciju kojom se dokazuje namjenski utrošak sredstava.

U slučaju da korisnik sredstava u okviru manifestacije nije utrošio ukupan iznos dodijeljenih sredstava ili ukoliko se utvrdi nenamjensko trošenje sredstava, korisnik je dužan izvršiti povrat neutrošenih, odnosno nenamjenski utrošenih sredstava.

VII

Kao dokaz o namjenskom utrošku sredstava ne može se prihvatiti:

- dokazi o isplata redovnih primanja (plaće, doprinosi i naknade) uposlenika kod korisnika sredstava,
- dokazi o naknadama angažovanog osoblja u okviru manifestacije bez ugovora o angažmanu i obrazaca AUG-1031,
- fakture povezanih društava, preduzeća, udruženja,
- fakture izdate na ime fizičkog lica (uposlenika ili člana udruženja),
- fiskalni računi bez izdate fakture,
- troškovi za koje se utvrdi da nisu direktno vezani za organizaciju predmetne manifestacije i za koje nisu tražena sredstva u okviru finansijskog plana programa manifestacije.

VIII

Vlada Tuzlanskog kantona će u skladu sa uslovima i kriterijima iz ove odluke, utvrditi Program manifestacija od interesa za Tuzlanski kanton za tekuću fiskalnu godinu, a sredstva odobravati putem pojedinačnih odluka, ovisno o raspoloživim sredstvima, te značaja i termina održavanja manifestacije, izuzev dijela sredstava namijenjenih za manifestacije koje se odobravaju po pojedinačnim odlukama Vlade Tuzlanskog kantona uz prethodno podnesen zahtjev organizatora manifestacije.

IX

Odluka stupa na snagu danom donošenja i bit će objavljena u „Službenim novinama Tuzlanskog kantona“.

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A



PREMIJER KANTONA

Irfan Halilagić

Broj: 02/1-11-6441/26
Tuzla, 10.03.2026. godine

IZVJEŠTAJ O UTROŠKU SREDSTAVA
u okviru Programa o određivanju manifestacija
od interesa za Tuzlanski kantona za 2026. godinu

Naziv organizatora manifestacije													
Ime i prezime odgovornog lica													
Adresa, poštanski broj i mjesto													
Telefon / fax / e – mail													
Šifra i naziv djelatnosti													
Naziv banke - filijale u kojoj je otvoren transakcijski račun i adresa													
Identifikacioni broj (ID broj)													
Broj odluke o odobravanju sredstava													
Iznos odobrenih sredstava po programu manifestacije za koji se podnosi izvještaj													
Datum uplate sredstava iz Budžeta Tuzlanskog kantona													
Datum održavanja manifestacije													
Provedene aktivnosti u okviru manifestacije													
Opisati detaljno aktivnosti koje su sprovedene na realizaciji manifestacije, te u koju svrhu su utrošena odobrena sredstva													

Efekti ostvareni realizacijom konkretnih aktivnosti manifestacije	
Opisati efekte ostvarene realizacijom manifestacije, navesti oblast/i	
Lokacija održavanja manifestacije	
Navesti na kojem području je održana manifestacija	
Dodatni komentari	
Po potrebi upisati dodatne komentare za koje se procijeni da su bitni prilikom izvještavanja o sprovedenoj manifestaciji	

Finansijski izvještaj

Rb	Aktivnost/Stavka	Iznos ukupno utrošenih sredstva	Vlastita sredstva (KM)	Sredstva iz drugih izvora (KM)	Sredstva Vlade Tuzlanskog kantona (KM)
1					
2					
3					
4					
5					
6					
7					
8					
9					
10					
11					
12					
13					
14					
15					
UKUPNO					

Napomena: Korisnik sredstava obavezno popunjava rubrike Obrasca o utrošku sredstava, a odgovara za vjerodostojnost svih unesenih podataka.

Rok za dostavu izvještaja o utrošku sredstava utvrđen je odlukom Vlade Tuzlanskog kantona o odobravanju sredstava za svakog korisnika.

Dokumentacija prihvatljiva za pravdanje namjenskog utroška sredstava su dokazi nastanka obaveze ili dokazi o plaćanju, kao što su: računi/fakture, fiskalni računi sa fakturom, izvod sa bankovnog računa, uplatnice kao dokaz o izvršenom plaćanju računa, ugovori o djelu, obrazac AUG-1031, blagajnički nalog - blagajničko poslovanje isključivo u skladu sa Uredbom o uslovima i načinu plaćanja gotovim novcem („Službene novine Federacije BiH“, broj: 72/15 i 82/45), i dr.

Svi dokumenti koji se dostavljaju u svrhu pravdanja namjenskog utroška sredstava moraju biti original ili ovjerena kopija ili kopije ovjerene pečatom pravnog lica (korisnika sredstava).

Uz Obrazac o utrošku sredstava potrebno je dostaviti gore navedene dokaze čime se potvrđuje namjena sredstava navedena u ranije dostavljenom zahtjevu korisnika.

Mjesto i datum

M. P.

Podnosilac izvještaja